



9 8 7 6 5 4 3 2 1 0
20 18 16 14 12 10 8 6 4 2 1 0
JAPAN
TAKAHASHI

文選正文卷之一

早稻田大學
圖書館藏書

南郭先生句讀

兼山先生國讀

門人葛山壽校

賦類

後學久保謙重訂

兩都賦序

班固

或曰。賦者古詩之流也。昔成康沒而頌聲寢。王澤竭而詩不作。大漢初定日不暇給。至於武宣之世。乃崇禮官考文章。內設金馬石渠之署。外興樂府協律之事。以興廢繼絕潤色鴻業。是以衆庶悅豫福應尤盛。白麟赤鴈芝房寶鼎之歌薦於郊廟。神雀五鳳甘露黃龍之瑞。以爲年紀故言語侍從之臣若司馬相如虞丘壽王東方朔枚臯王褒劉向之屬。朝夕論思。日月獻納。而公卿大臣御史大夫倪寬太常孔臧大中大

夫董仲舒宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有夷隆學有麤密因時而建德者不以遠近易則故臯陶歌虞奚斯頌魯同見采於孔氏列於詩書其義一也稽之上古則如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老咸懷怨思冀上之瞻顧而盛稱長安舊制有陋洛邑之議故臣作兩都賦以極眾人之所眩曜折以今之法度辭曰

西都賦

有西都賓問於東都主人曰蓋聞皇漢之初經營也嘗有意乎都河洛矣輒而弗康寔用西遷作我上都主人聞其故而覩其制乎主人曰未也願賓攄懷舊之蓄念發思古之幽情博我以皇道弘我以漢京賓曰唯唯漢之西都在於雍州寔曰長安左據函谷二崤之阻表以太華終南之山右界褒斜隴首之險帶以洪河涇渭之川衆流之隈汧涌其西華實之毛則九州之上腴焉防禦之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建議留侯演成夫人合應以發皇明乃眷西顧寔惟作京於是睇秦嶺賊北阜挾

灔澦據龍首圖皇基於億載度宏規而大起肇自高而終平
世增飾以崇麗歷十二之延祚故窮泰而極侈建金城之萬
雉呀周池而成淵披三條之廣路立十二之通門內則街衢
洞達閭閻且千九市開場貨別隧分人不得顧車不得旋闔
城溢郭旁流百塵紅塵四合煙雲相連於是旣庶且富娛樂
無疆都人士女殊異乎五方遊士擬於公侯列肆侈於姬姜
鄉曲豪舉遊俠之雄節慕原嘗名亞春陵連交合駛騁鷺乎
其中若乃觀其四郊浮遊近縣則南望杜霸北眺五陵名都
對郭邑居相承英俊之城綴冕所興冠蓋如雲七相五公與
乎州郡之豪傑五都之貨殖三選七遷充奉陵邑蓋以強幹
弱枝隆上都而觀萬國也封畿之內厥土千里卓犖諸夏兼

其所有其陽則崇山隱天幽林窮谷陸海珍藏藍田美玉商
洛緣其隈鄆杜濱其足源泉灌注陂池交屬竹林果園芳草
甘木郊野之富號爲近蜀其陰則冠以九嶧陪以甘泉乃有
靈宮起乎其中秦漢之所極觀淵雲之所頌歎於是乎存焉
下有鄭白之沃衣食之源提封五萬疆場綺分溝塍刻鏤原
隰龍鱗決渠降雨荷挿成雲五穀垂穎桑麻鋪棻東郊則有
通溝大漕潰渭洞河泛舟山東控引淮湖與海通波西郊則
有上囿禁苑林麓藪澤陂池連乎蜀漢緣以周牆四百餘里
離宮別館三十六所神池靈沼往往而在其中乃有九真之
麟大宛之馬黃支之犀條枝之鳥踰岷越巨海殊方異類
至於三萬里其官室也體象乎天地經緯乎陰陽據坤靈之

正位。放大紫之圓方。樹中天之華闕。豐冠山之朱堂。因瓊材而究奇。抗應龍之虹梁。列棼橑以布翼。荷棟桴而高驥。雕玉瑱。以居楹。裁金璧以飾璫。發五色之渥彩。光焰朗以景彰。於是左城右平。重軒三階。閨房周通。門闌洞開。列鐘虁於中庭。立金人於端闈。仍增崖而衡闔。臨峻路而啓扉。徇以離官別寢。承以崇臺閒館。煥若列宿。紫宮是環。清涼宣溫。神仙長年。金華玉堂。白虎麒麟。區宇若茲。不可殫論。增盤崔嵬。登降炤爛。殊形詭制。每各異觀。乘茵步輦。惟所息宴。後宮則有掖庭椒房。后妃之室。合歡增城。安處常寧。芭若椒風。披香發越蘭林蕙草。鴛鸞飛翔之列。昭陽特盛。隆於孝成。屋不呈材。牆不露形。橐以藻繡絡以綸連。隨侯明月。錯落其間。金釭銜璧。是爲列錢翡翠。火齊流耀。含英懸黎。垂棘夜光。在焉。於是玄墀卽砌。玉階彤庭。硯礎綵緝。琳珉青筴。珊瑚碧樹。周阿而生。紅羅颯纏。綺組縹紛。精曜華燭。俯仰如神。後宮之號。十有四位。窈窕繁華。更盛迭貴。處乎斯列者。蓋以百數。左有庭中朝堂。百寮之位。蕭曹魏邴。謀謨乎其上。佐命則垂統。輔翼則成化。流大漢之惶悌。盪亡秦之毒蠱。故令斯人揚樂和之聲。作畫一之歌。功德著乎祖宗。膏澤洽乎黎庶。右有天祿石渠典籍之府。命夫惇誨。故老名儒師傅。講論乎六蓺。稽合乎同異。又有承廟金馬。著作之庭。大雅宏達。於茲爲羣元。元本本蟬。見洽聞啓。發篇章。校理祕文。周以鉤陳之位。衛以嚴更之署。總禮官之甲科。羣百郡之廉孝。虎賁贅衣。闔尹閣寺。陞載百重。

各有典司。周廬千列。徼道綺錯。輦路經營。脩除飛閣。自未央而連桂宮。北彌明光。而且長樂。陵燈道。而超西墉。混建章。而連外屬。設壁門之鳳闕。上觚稜而樓金爵。內則別風嶼。嵬眇麗巧。而聳擢張千門。而立萬戶。順陰陽以開闔。爾乃正殿崔嵬。層構厥高。臨乎未央。經駕盪而出駁。娑洞衿詣。以興天梁。上反宇以蓋戴。激日景而納光。神明鬱其特起。遂偃蹇而上躋。軼雲雨於太半。虹霓廻帶於棼楣。雖輕迅與儂狡。猶憮胎而不能階攀。井幹而未半。目眩轉而意迷。捨櫺檻而却倚。若顛墜而復稽。竈恍恍以失度。巡迴塗而下低。既懲懼於登望。降周流以彷徨。步甬道以縈紆。又杳寥而不見陽。排飛闥。而上出。若遊目於天表。似無依而洋洋。前唐中而後太液。覽滄

海之湯湯。揚波濤於碣石。激神嶽之蔚蔚。瀘瀛洲與方壺。蓬萊起乎中央。於是靈草冬榮。神木叢生。巖峻嶒崕。金石崢嶸。抗仙掌以承露。擢雙立之金莖。軼埃塙之混濁。鮮顯氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛遊之壯觀。奮秦武乎上囿。因茲以威戎。夸狄耀威靈。而講武事。命荊州使起鳥詔。梁野而驅獸。毛羣內闢。飛羽上覆。接翼側足。集禁林而屯聚。水衡虞人修其營表。種別羣分。部曲有署。罘網連絃。籠山絡野。列卒周匝。星羅雲布。於是乘轡輿備法駕。帥羣臣披飛廉入苑門。遂繞酆鄗。歷上蘭。六師發逐。百獸駭震。震震爚爚。雷奔電激。草木塗地。山淵反覆。蹠蹠其十二三。乃柳怒。

而少息爾乃期門佽飛列刃攢鏃要趺追蹤鳥驚觸絲獸駭
值鋒機不虛持弦不再控矢不單殺中必疊雙颶颶紛紛矰
繳相纏風毛雨血灑野蔽天平原赤勇士厲援犧失木豺狼
懼竄爾乃移師趨險並踏潛穢窮虎奔突狂兕觸蹠許少施
巧秦成力折倚儻狡犯猛噬脫角挫脰徒搏獨殺挾師豹拒
熊螭曳犀擎頓象罷超洞壑越峻嶮蹶巖巨石傾松柏仆
叢林摧草木無餘禽獸殄夷於是天子乃登屬玉之館歷長
楊之榭覽山川之體勢觀三軍之殺獲原野蕭條日極四裔
禽相鎮壓獸相枕藉然後收禽會衆論功賜胙陳輕騎以行
魚騰酒車以斟酌割鮮野食舉烽命爵饗賜畢勞逸齊大輶
鳴鑾容與徘徊集乎豫章之宇臨乎昆明之池左牽牛而右

織女似雲漢之無涯茂樹蔭蔚芳草被隄蘭茝發色躋躋猗
猗若摘錦與布繡燭燿乎其陂鳥則玄鶴白鷺黃鵠鷄鶴鷁
鵠鵠鷀鳬鷺鴻鴈朝發河海夕宿江漢沈浮往來雲集霧散
於是後宮乘輶輶登龍舟張鳳蓋建華旗袂黼帷鏡清流靡
微風澹淡浮櫂女謳鼓吹震聲激越管厲天鳥羣翔魚窺淵
招白鶲下雙鵠揜文竿出比目撫鴻量御矰繳方舟竝鷺俛
仰極樂遂乃風舉雲搖浮遊溥覽前乘秦嶺後越九嶺東薄
河華西涉岐雍宮館所歷百有餘區行所朝夕儲不改供禮
頌於斯之時都都相望邑邑相屬國籍十世之基家承百年
之業土食舊德之名氏農服先疇之畝畝商脩族世之所鬻

工用高曾之規矩。槩乎隱隱。各得其所。若臣者。徒觀迹於舊墟。聞之乎故老。十分未得其一端。故不能徧舉也。

東都賦

東都主人喟然而歎曰。痛乎風俗之移人也。子實秦人。矜誇館室。保界河山。信識昭襄。而知始皇矣。焉覩大漢之云爲乎。夫大漢之開元也。奮布衣以登皇位。由數朞而創萬代。蓋六籍所不能談。前聖靡得而言焉。當此之時。功有橫而當天。討有逆而順民。故婁敬度勢而獻其說。蕭公權宜而拓其制。時豈泰而安之哉。計不得以已也。吾子曾不是睹。顧曜後嗣之未造。不亦暗乎。今將語子以建武之治。永平之事。監於太清。以變子之惑志。往者王莽作逆。漢祚中缺。天人致誅。六合相

滅。于時之亂。生民幾亡。鬼神泯絕。壑無完柩。郛罔遺室。原野厭人之肉。川谷流人之血。秦項之災。猶不克半。書契以來。未之或紀。故下人號而上訴。上帝懷而降監。乃致命乎聖皇。於是聖皇乃握乾符。闡坤珍。披皇圖。稽帝文。赫然發憤。應若興雲。霆擊昆陽。憑怒雷震。遂超大河。跨北嶽。立號高邑。建都河洛。紹百王之荒屯。因造化之盪滌。體元立制。繼天而作。系唐統。接漢緒。茂育羣生。恢復疆宇。勳兼乎在昔。事勤乎三五。豈特方軌並跡。紛綸後辟。治近古之所務。蹈一聖之險易。云爾。且夫建武之元。天地革命。四海之內。更造夫婦。肇有父子。君臣初建。人倫寔始。斯乃伏羲氏之所以基皇德也。分州十立。市朝作舟輿。造器械。斯乃軒轅氏之所以開帝功也。襲行天

罰應天順人斯乃湯武之所以昭王業也遷都改邑有殷宗中興之則焉卽土之中有周成隆平之制焉不階尺寸人之柄同符乎高祖克已復禮以奉終始允恭乎孝文憲章稽古封岱勒成儀炳乎世宗按六經而校德恥古昔而論功仁聖之事既該而帝王之道備矣至於永平之際重熙而累洽樂神人之和允洽羣臣之序既肅乃動大輅遵皇衢省方巡狩窮覽萬國之有無考聲教之所被散皇明以燭幽然後增周舊修洛邑扇巍巍顯翼翼光漢京於諸夏總八方而爲之極是以皇城之內宮室光明闕庭神麗奢不可踰儉不能侈外則因原野以作苑墳流泉而爲沼發蘋藻以潛魚豐圃草

以毓獸刑同乎桀鄒誼合乎靈固若乃順時節而蒐狩簡車徒以講武則必臨之以王制考之以風雅歷騶虞覽駟驥嘉車攻采吉日禮官整儀乘輿乃出於是發鯨魚鑑萃鐘登玉輅乘時龍鳳蓋棽麗龢鑾玲瓏天官景從寢威盛容山靈護野屬御方神雨師泛灑風伯清塵千乘雷起萬騎紛紜元戎竟野戈鋌彗雲羽旄掃霓旌旗拂天焱焱炎炎揚光飛文叶閼陳師案屯駢部曲列校隊勒三軍誓將帥然後舉烽伐鼓申令三驅輕車霆激驍騎電驚由基發射范氏施御弦不罷樂不極盤殺不盡物馬蹠餘足士怒未渙先驅復路屬車按

節於是薦三犧效五牲禮神祇懷百靈覲明堂臨辟雍揚緝熙宣皇風登靈臺考休徵俯仰乎乾坤參象乎聖躬日中夏而布德職四裔而抗稜西盪河源東濱海濱北動幽崖南曜朱堦殊方別區界絕而不鄰自孝武之所不征孝宣之所未臣莫不陸讐水慄奔走而來賓遂綏哀牢開永昌春王三朝會同漢京是日也天子受四海之圖籍膺萬國之貢珍內撫諸夏外綏百蠻爾乃盛禮典樂供帳置乎雲龍之庭陳百寮而贊羣后究皇儀而展帝容於是庭實千品旨酒萬鍾列金罍班玉觴嘉珍御太牢饗爾乃食舉雍徹太師奏樂陳金石布絲竹鐘鼓鏗鎧管絃肆燭抗五聲極六律歌九功舞八佾韶武備泰古卑四夷間奏德廣所及襟侏兜離因不具集萬

樂備百禮暨皇歡浹羣臣醉降烟燼調元氣然後撞鐘告罷百僚遂退於是聖上覩萬方之歡娛又沐浴於膏澤懼其侈心之將萌而怠於東作乃申舊章下明詔命有司班憲度昭節儉示太素去後宮之麗飾損乘輿之服御抑工商之浮業興農桑之盛務遂令海內棄末而反本背僞而歸真女修織紝男務耕耘器用陶匏服尚素玄耻纖美而不服賤奇麗而不珍捐金於山沈珠於淵於是百姓滌瑕盪穢而鏡主清形神寂寘耳目不營嗜欲之源滅廉耻之心生莫不優游而自得玉潤而金聲是以四海之內學校如林庠序盈門獻酬交錯俎豆莘莘下舞上歌蹈德詠仁升降飲宴之禮既畢因相與嗟歎玄德讓言弘說咸含和而吐氣頌曰盛哉乎斯世今

論者但知誦虞夏之書。詠殷周之詩。講羲文之易。論_中_外孔氏之春秋。罕能精古今之清濁。究漢德之所由。唯子頗識舊典。又徒馳騁乎末流。溫故知新已難。而知德者鮮矣。且夫僻界西戎。險阻四塞。修其防禦。孰與處乎上中。平夷洞達。萬方輻輳。秦嶺九峻。涇渭之川。曷若四瀆五嶽。帶河泝洛。圖書之淵。建章甘泉。館御列仙。孰與靈臺明堂。統和天人。太液昆明。鳥獸之囿。曷若辟雍海流。道德之富游。俠踰侈。犯義侵禮。孰與同履法度。翼翼濟濟。子徒習秦阿房之造。天而不知京洛之有。制識函谷之可關。而不知王者之無外。主人之辭未終。西都賓饗然失容。逡巡降階。捺然意下。捧手欲辭。主人曰復位。今將授子五篇之詩。賓既卒業。乃稱曰美哉乎斯詩。義正乎揚。

雄事實乎相如。匪唯主人之好學。蓋乃遭遇乎斯時。小子狂簡。不知所裁。既聞正道。請終身而誦之。其辭曰。

明堂詩

於昭明堂。明堂孔陽。聖皇宗祀。穆穆煌煌。上帝宴饗。五位時序。誰其配之。世祖光武。普天率土。各以其職。猗歟緝熙。允懷多福。厥成。

辟雍詩

乃流辟雍。辟雍湯湯。聖皇泣止。造舟爲梁。蟠蟠國老。乃父乃兄。抑抑威儀。孝友光明。於赫太上。示我漢行。洪化唯神。永觀。

靈臺詩

乃經靈臺。靈臺旣崇。帝勤時登。爰考休徵。三光宣精。五行布序。習習祥風。祁祁甘雨。百穀叢叢。庶草蕃蕪。屢惟豐年。於皇樂胥。

寶鼎詩

嶽修貢兮川效珍。吐金景兮歛浮雲。寶鼎見兮色紛紜。煥其炳兮被龍文。登祖廟兮享聖神。昭靈德兮彌億年。

白雉詩

啟靈篇兮披瑞圖。獲白雉兮效素鳥。嘉祥阜兮集皇都。發皓羽兮奮翹英。容潔朗兮於淳精。彰皇德兮侔周成。永延長兮膺天慶。

賦西京賦

張衡

有憑虛公子者。心多體恢。雅好博古學。乎舊史氏。是以多識前代之載。言於安處先生曰。夫人在陽時。則舒在陰時。則慘。此率乎天者也。處沃土。則逸處瘠土。則勞。此繫乎地者也。慘則歛。於歡勞。則褊於惠。能違之者寡矣。小必有之。大亦宜然。故帝者因天地。以致化。兆民承上教。以成俗化。俗之本。有與推移。何以覈諸。秦據雍而強周。即豫而弱高祖都西而泰光武處東而約政之興衰。常由此作。先生獨不見西京之事歟。請爲吾子陳之。漢氏初都在渭之涘。秦里其朔寔爲咸陽。左有崤函重險。桃林之塞。綴以二卒。巨靈赑屃。高掌遠蹠。以流河曲厥跡。猶存右有隴坂之隘。隔閔華戎。岐梁汧雍。陳寶鳴雞在焉。於前則終南太一。隆崛崔嵬。隱鱗鬱律。連岡乎嶓冢。

抱杜含鄴。飲澧吐鎬。爰有藍田珍玉。是之自出於後。則高陵平原據渭踞涇。澶漫靡迤。作鎮於近。其遠則有九嶺甘泉涸陰。沴寒日北至。而舍凍此焉。清暑爾乃廣衍沃野。厥田上上。寔爲地之奧區。神阜昔者大帝悅秦繆公。而覲之。饗以鈞天廣樂。帝有醉焉。乃爲金策錫用此土。而翦諸鶡首。是時也。竝爲強國者有六。然而四海同宅。西秦豈不詭哉。自我高祖之始入也。五緯相汁。以旅於東井。妻敬委輅。幹非其議。天啓其心。人惎之謀。及帝圖時。意亦有慮乎。神祇宜其可定。以爲天邑。豈伊不虔。思於天衢。豈伊不懷。歸於枌榆。天命不滔。疇敢以渝。於是量徑輪考。廣袤經城。洫營郭郛。取殊裁於八都。豈稽度於往舊爾。乃覽秦制跨周法。狹百堵之側陋。增九筵之

迫脅正紫宮。於未央表堯闕。於閨闥疏龍首。以抗殿狀鬼峩。以岌峩。且雄虹之長梁。結棼橑以相接。帶倒栱於藻井。披紅葩之狎獵。飾華棟與璧瑞。流景曜之眸眸。彫楹玉礪。繡桷雲楣。三階重軒。鏤檻文槐。右平左城。青瑣丹墀。刊層平堂。設切厓陳。坻崿鱗駒。棧巒峻嶮。襄岸夷塗。脩路峻險。重門襲固。究是防。仰福帝居。陽曜陰藏。洪鐘萬鈞。猛虜趨趨。負筭業。而餘怒。乃奮翅而騰驤。朝堂承東。溫調延北。西有玉臺。聯以昆德。差峩堯堯。罔識所則。若夫長年神仙。宜室玉堂。麒麟朱鳥。龍興含章。譬衆星之環極。叛赫戲以輝煌。正殿路寢。用朝羣辟。大廈眈眈。九戶開闢。嘉木樹庭。芳草如積。高門有闕。列坐金狹。內有常侍謁者。奉命當御。外有蘭臺金馬。遞宿迭居次。

有天祿石渠校文之處。重以虎威章溝嚴更之署。徼道外周千廬內附。衛尉八屯警夜巡晝植鍛懸轂用戒不虞。後宮則昭陽飛翔增成合歡蘭林披香鳳凰鴛鸞羣窈窕之華麗嗟內顧之所觀故其館室次舍采飾纖縟裳以藻繡文以朱綠翡翠火齊絡以美玉流懸梨之夜光綴隨珠以爲燭金兜玉階形庭輝輝珊瑚碧琉璃彬珍物羅生煥若崑崙雖厥裁之不廣侈靡踰乎至尊於是鉤陳之外閤道穹隆屬長樂與明光徑北通于桂宮命般爾之巧匠盡變態乎其中於是後宮不移樂不徙懸門衛供帳官以物辦恣意所幸下輦成燕窮年忘歸猶弗能徧瑰異日新殫所未見惟帝王之神麗懼尊卑之不殊雖斯宇之旣坦心猶懸而未據思比象於紫

微恨阿房之不可廬覩往昔之遺館獲林光於秦餘處甘泉而爽塏乃隆崇而弘敷旣新作於迎風增露寒與儲胥託喬基於山岡直墻寬以高居通天訥以竦峙徑百常而莖擢上辯華以交紛下刻削其若削羽鶴仰而弗逮況青鳥與黃雀伏櫺檻而頻聽聞雷霆之相激柏梁旣炎越巫陳方建章是經用厭火祥營宇之制事兼木央圜闕竦以造天若雙碣之相望鳳騫翥於甍標咸遡風而欲翔闇闔之内別風嶢嶢何工巧之瑰瑋交綺豁以疏寮干雲霧而七逢狀亭亭以嵒嵒神明崛其特起井幹疊而百增峙遊極於浮柱結重欒以相承累層構而遂躋望北辰而高興消零埃於中宸集重陽之清澂瞰宛虹之長簪察雲師之所憑上飛闌而仰眺正覩瑞

光與玉繩。將乍往而未半。怵悼慄而聳兢。非都盧之輕趨。孰能超而究升。馭娑駘盪。燾暮桔桀。衿誦承光。睽仄摩豁。增桴重棼。鍔鍔列列。反宇業業。飛檐轍轍。流景內照。引曜日月。入梁之宮。寔開高闈。旗不脫局。結駟方斬。櫟輻輕鶩。容於一屏。長廊廣廡。連閣雲蔓。閉庭詭異。門千戶萬。重閨幽闥。轉相逾延。望岱岱以徑廷眇。不知其所返。既乃珍臺蹇產。以極壯澄道。邇倚以正東。似聞風之遐坂。橫西洫而絕金墉。城尉不弛柝。而內外潛通。前開唐中。彌望廣豫。顧臨太液。滄池漭瀝。臺立於中央。赫昈昈以弘敞。清淵洋洋。神山嵒嵒。列瀛洲與方丈。夾蓬萊而駢羅。上林岑以巒峯。下嶃巖以崛巔。長風激於別磽。起洪濤而揚波。浸石菌於重涯。濯靈芝以朱柯。海若

游於玄渚。鯨魚失流。而蹉跎於是采少君之端信。庶樂大之貞固。立修莖之仙掌。承雲表之清露。屑瓊榮以朝餐。必性命之可度。美往昔之松喬。要羨門乎天路。想升龍於鼎湖。豈時俗之足慕。若歷世而長存。何遽營乎陵墓。徒觀其城郭之制。則旁開三門。參塗夷庭。方軌十二。街衢相經。塵里端直。甍宇齊平。北闕甲第。當道直啓。程巧致功。期不陁隆木。衣綿錦土。破朱紫。武庫禁兵。設在蘭錡。匪石匪董。疇能宅此。爾乃廓開九市。通闔帶闔。旗亭五重。俯察百隧。周制大胥。今也惟尉。瓊貨方至。烏集鱗萃。鬻者乘羸。求者不匱。爾乃商賈百族。裨販夫婦。鬻良雜苦。蚩眩邊鄙。何必昏於作勞。邪羸優而足恃。彼肆人之男女。麗美奢乎。許史若夫翁伯濁質。張里之家擊鐘。

鼎食連騎相過。東京公侯壯。何能加都邑遊俠。張趙之倫齊志。無忌擬跡。田文輕死重氣。結黨連羣寔蕃。有徒其從。如雲茂陵之原。陽陵之朱。趨悍虓豁。如虎如驅。睚眦蠻芥。屍僵路隅。丞相欲以贖子罪。陽石汚而公孫誅。若其五縣遊麗。辯論之士。街談巷議。彈射臧否。剖析毫釐。擘肌分理。所好生毛羽。所惡成瘡痏。郊甸之內。鄉邑殷賑。五都貨殖。既遷既引。商旅聯櫛。隱隱展展。冠帶交錯。方輶接軫。封畿千里。統以京尹郡國宮館。百四十五右極。盤厓并巒。鄖郢左暨。河輦遂至。號土上林禁苑。跨谷彌阜。東至鼎湖。斜界細柳。掩長楊。而聯五柞。繞黃山而款牛首。繚垣絲絡。四百餘里。植物斯生。動物斯止。衆鳥翩翻。羣獸駘駁。散似驚波。聚似京峙。伯益不能名。隸首

不能紀。林麓之饒。于何不有。木則樅栝櫟楠。梓棫楩楓。嘉卉灌叢蔚。若鄧林鬱蔚。翁蔓對。構爽櫺修。叶葩颶榮。布葉垂陰。草則咸莎菅蒯。微蕨荔芳。王芻苗臺。戎葵懷羊。茱蕚蓬草。彌阜被。祠篠蕩敷衍。編呵成簾。山谷原隰。浹漭無疆。迺有昆明靈沼。黑水玄汎。周以金堤。樹以柳杞。豫章珍館。揭焉中峙。牽牛立其左。織女處其右。日月於是乎出入。象扶桑與濛汜。其中則有黿鼈巨鼈。鱗鰐鯉。鮪鯢鰐鯀。脩額短項。大口折鼻。詭類殊種。鳥則鸕鷀鵠鴟。鴟鴞鴟鴞。七春候來。季秋就溫。南翔衡陽。北棲鴈門。奮隼歸鳬。沸卉砰訇。衆形殊聲。不可勝論。於是孟冬作陰。寒風肅殺。雨雪飄飄。冰霜慘烈。卉具零刪蟲搏。摯爾乃振天維。彷彿地絡。蕩川瀆。簸林薄。鳥畢駭獸咸作。草

伏木棲。寓居穴託。起彼集。此霍繹。紛泊。在彼靈囿之中。前後無有垠鐸。虞人掌焉。爲之營域。焚萊平場。柞木翦棘。結臯百里。遠杜蹊塞。鹿鹿麋麇。駢田偏仄。天子乃駕。雕軫六駿。駭載翠帽。倚金轂。璫玉纓。遺光儻爚。建玄氏樹。招搖棲鳴鳥曳雲梢。弧旌柱矢。虹旛媿旄。華蓋承辰。天畢副軀。千乘雷動。萬騎龍趨。屬車之蓬載。獵獮。猶匪惟覩好迺有秘書。小說九百本。自虞初。從容之求寔。俟寔儲。於是蚩尤秉鉞。奮鬚。被殷禁禦。不若以知神姦。魑魅魍魎。莫能逢旃。陳虎旅。於飛廉正壘。壁乎上蘭。結部曲。整行伍。燎京薪。驅雷鼓。縱獵徒。赴長林。迥卒清候。武士赫怒。緹衣韎韐。睢盱拔扈。光火燭天庭。鼙聲震海浦。河渭爲之波盪。吳嶽爲之阨堵。百禽凌遽。驟騷翟奔觸。喪

精。亡惠。失歸。忘趨。投輪。關幅。不邀。自遇。飛掣。瀟劄。流鏑。擣探矢。不虛。含鋒。不苟。躍。當足。見蹠。值輪。被轡。僵禽斃獸。爛若積礧。但觀且羅之所。羈結竿叟之所。惶畢。义族之所。攬桷。徒搏之所。撞搊白日。未及移晷。已獮其十七八。若夫遊鶴高翬。絕阤踰斥。嵬鬼聯猿。陵巒超壑。比諸東郭。莫之能獲。乃有迅羽輕足。尋景追括。鳥不暇舉。獸不得發。青骲擊於韁下。韓盧噬於練末。及其猛毅髮鬚。隅目高眶。威懾兜虎。莫之敢仇。乃使中黃之士。育獲之儕。朱鬢鬚髮。植髮如竿。袒裼戰手。全躊盤桓。鼻赤象圈。巨挺據彌。批獮。搘枳落突。棘藩。梗林爲之靡拉。櫟叢爲之摧殘。輕銳剽狡。趨捷之徒。赴洞穴。探封狐陵。重巘。獵昆鯀。杪木末。獲獮猢。超殊捺。帶飛鼯。是時後宮嬖人。

昭儀之倫。常亞於乘輿。慕賈氏之如臯。樂北風之同車盤于
遊畋。其樂只且。於是鳥獸殫目觀窮。遷延邪睨。集乎長楊之
宮。息行夫。展車馬。收禽舉齒。數課衆寡。置互。擺牲頒賜。獲鹵
割鮮。野饗犒勤。賞功五軍六師。千列百重。酒車酌醴。方駕授
餽。升觴舉燧。既爵鳴鐘。膳夫馳騎。察貳廉空。炙魚鱠清酷斂。
皇恩溥洪德。施徒御悅。士忘罷巾。車命駕廻旆。右移儂伴。乎
五柞之館。旋憇乎昆明之池。登豫章。簡增紅蒲。且發弋高鴻。
挂白鶴。聯飛龍。璠不特絰。往必加雙。於是命舟牧爲水嬉。浮
鶩首。繫雲芝。垂翟葆。建羽旗。齊拽女。縱櫂歌。發引和。按鳴葭。
奏淮南。度陽阿。感河濱。懷湘娥。驚蝴蝶。憚蛟蛇。然後釣鯀體。
纊鮆鮋。撫紫貝。搏耆龜。搃水豹。壘潛牛。澤虞是濫。何有春秋。

擿膠解。搜川瀆。布九哉。設罿。罿麗。揅鯢鮋。殄水族。藻蘋。致蜃蛤。
剝逞。欲畋。斂效獲。麌麇。摻蓼泮浪。乾池滌藪。上無逸飛。下無
遺走。攫胎。拾卵。蚍蠍盡取。取樂今日。遑恤我後。旣定且寧焉。
知傾陼。大駕幸乎平樂之館。張甲乙。而襲翠被。攢珍寶之玩。
好紛。瑰麗以袞靡。臨迥望之廣場。程角觴之妙戲。烏獲扛鼎。
都盧尋橦。衝狹。鷺濯。胷突。鋸鋒。跳丸。劍之揮霍。走索上而相
逢。華嶽峩峩。岡巒參差。神木靈草。朱實離離。總會仙倡。戲豹
舞罿。白虎鼓瑟。蒼龍吹簫。女娥坐而長歌。聲清暢而委蛇。洪
涯立而指麾。被毛羽而襯襯。度曲未終。雲起雪飛。初若飄飄。
後遂霏霏。複陸重閣。轉石成雷。砰礲激而增響。磅礴象乎天
威。巨獸百尋。是爲蔓延。神山崔巍。欵從背見。熊虎升而擎攫。

猿狹超而高援。惟獸陸梁。大雀跋跋。白象行孕。垂鼻鱗輔。海鱗變而成龍。狀跪跑以蟠蟠。舍利颺颺。化爲仙車。驪駕四鹿。芝蓋九葩。蟾蜍與龜。水人弄蛇。奇幻倏忽。易貌分形。吞刀吐火。雲霧杳冥。冥畫地成川流。渭通涇。東海黃。公赤刀粵祝冀。厭白虎。卒不能救。挾邪作蠱。於是不售爾。乃建戲車。樹修旃。儼儻逞材。上下翩翻。突倒投而跟絰。譬殞絕而復聯。百馬同轡。騁足並馳。橦末之伎態。不可彌彎。弓射乎西羌。又顧發乎鮮卑。於是衆變盡心醒醉。盤樂極悵懷。懷萃陰戒。期門微行。要屈降尊就卑。懷璽藏紱。便旋閭閻。周觀郊遂。若神龍之變化。彰后皇之爲貴。然後歷掖庭。適歡館。捐衰色。從嫋婉。促中堂之廄坐。羽觴行而無算。祕舞更奏。妙材騁伎。妖蠱豔夫。夏姬美。

聲暢於虞氏。始徐進而贏形似。不任乎羅綺。嚼清商而却轉。增嬋娟以此豸。紛縱體而迅赴。若驚鶴之羣。羈振朱履於盤櫈。奮長袖之颯纏。要紹修態。麗服颺青。昭藐流盼。一顧傾城。再顧季孫門。誰能不營列爵。十四競媚取榮。盛衰無常。惟愛所丁衛。后興於鬢髮。飛燕寵於體輕。爾乃逞志究欲。窮身極娛。鑒戒唐詩。他人是媿。自君作故。何禮之拘。增昭儀於婕妤。賢既公而又侯。許趙氏以無上。思致董於有虞。王閼爭於坐側。漢載安而不渝。高祖創業繼體承基。暫勞永逸。無爲而治。耽樂是從。何慮何思。多歷年所。二百餘暮。徒以地沃野豐。百物殷阜。巖險周固。襟帶易守。得之者強。據之者久。流長則難竭。柢深則難朽。故奢泰肆情。而馨烈彌茂。鄙生生乎三百之外。

傳聞於未聞之者。曾勞窮其若夢。未一隅之能覩。此何與於殷人屢遷。前八而後五居。相圯耿不常厥土。盤庚作誥帥人以苦方。今聖上同天號于帝皇。掩四海而爲家。富有之業莫我大也。徒恨不能以靡麗爲國華。獨儉嗇以齷齪忘蟋蟀之謂。何豈欲之而不能。將能之而不欲歟。蒙竊惑焉。願聞所以辯之之說也。

東京賦

張衡

安處先生於是似不能言者。憮然有間。乃莞爾而笑曰。若客所謂末學膚受。貴耳而駁目者也。苟有胸而無心。不能節之以禮。宜其陋今而榮古矣。由余以西戎孤臣。而悝穆公於官室。如之何。其以溫故知新研覈是非。近於此惑。周姬之末不

能厥政。功用多僻。始於宮鄰。卒於金虎。嬴氏搏翼。擇肉西邑。是時也。七雄竝爭。競相高以奢麗。楚築章華。於前趙建叢臺。於後秦。政利觜長距。終得擅場思專。其侈以莫已。若乃構阿房。起甘泉。結雲閣。冠南山。征稅盡人力。殫然後收。以太半之賦。威以參夷之刑。其遇民也。若雜氏之芟草。旣蘊崇之。又行火焉。慄慄黔首。豈徒跼高天。蹐厚地而已哉。乃救死於其頸。歟。以就役。唯力是視。百姓不能忍。是用息肩於大漢。而欣戴高祖。高祖膺籲。受圖順天。行誅杖朱旗。而建大號。所推必亡。所存必固。掃項軍於垓下。繼子嬰於軼塗。因秦宮室。據其府庫。作洛之制。我則未暇。是以西匠營宮。目翫阿房。規摹踰溢。不度不臧。損之又損。然尚過於周堂。觀者狹而謂之陋。帝已

譏其泰而弗康。且高旣受命建家，造我區夏矣。文又躬自菲薄，治致升平之德。武有大啟土宇，紀禪肅然之功。宣重威以撫和戎狄，呼韓來享咸用。紀宗存主饗祀不輟，銘勲彝器。歷世彌光，今捨純懿，而論爽德以春秋所諱，而爲美談。宜無嫌於往初，故蔽善而揚惡。祇吾子之不知言也，必以肆奢爲賢。則是黃帝合宮，有虞總期，固不如夏癸之瑤臺，殷辛之瓊室也。湯武誰革而用師哉？盍亦覽東京之事，以自寤乎？且夫天子有道，守在海外。守位以仁，不恃隘害。苟民志之不諒，何云巖險與襟帶？秦負阻於二關，卒開墻而受沛。彼偏據而規小豈如宅中而圖大？昔先王之經邑也，掩觀九隩，靡地不營。士圭測景，不縮不盈。總風雨之所交，然後以建王城，審曲直勢。

泝洛背河，左伊右瀍。西阻九阿，東門于旋。盟津達其後，太谷通其前。廻行道乎伊闕，邪徑捷乎轂轔。太室作鎮，揭以熊耳。底柱輶流，鐸以大伾。溫液湯泉，黑丹石縕。王鮑岫居，能鑿三趾。處妃攸館，神用挺紀。龍圖授義，龜書畀姒。召伯相宅，卜惟洛食。周公初基，其繩則直。萇弘魏舒，是廓是極。經途九軌，城隅九雉。度堂以筵，度室以几。京邑翼翼，四方所視。漢初弗之宅也。故宗緒中圮，巨猾間豐。竊弄神器，歷載三十六。偷安天位，于時蒸民，罔敢或貳。其取威也重矣。我世祖忿之，乃龍飛白水，鳳翔參墟。授錢四七，共工是除。櫬捨旬始，羣凶靡餘。區宇乂寧，思和求中。睿哲玄覽，都茲洛宮。日止日時，昭明有融。既光厥武，仁洽道豐。登岱勤封，與黃比崇。逮至顯宗，六合殷昌。

乃新崇德。遂作德陽。啟南端之特閨。立應門之將將。昭仁惠於崇賢。抗義聲於金商。飛雲龍於春路。屯神虎於秋方。建象魏之兩觀。旌六典之舊章。其內則含德章臺。天祿宣明。溫飭迎春壽安。永寧飛閣神行。莫我能形。濯龍芳林。九谷八溪芙蓉覆水。秋蘭被淮。渚戲躍魚。淵游龜鶴。永安離宮。脩竹冬青。陰池幽流。玄泉冽清。鷗鷺秋棲。鶴鳴春曉。鳩麗黃闕。關關嚶嚶。於南則前殿雲臺。龢驩安福。譏門曲榭。邪阻城洫。奇樹珍果。鉤盾所職。西登少華亭。候修勑九龍之內。寔日嘉德。西南其戶。匪雕匪刻。我后好約。乃宴斯息。於東則洪池清簾。澆水澹澹。內阜川禽。外豐蔓葵。獻鼈蜃與龜魚。供蝸麌與菱芡。其西則有平樂都場。示遠之觀。龍雀蟠蜿。天馬半漢。瑰異譎詭。

燦爛炳煥。奢未及侈。儉而不陋。規遵王度。動中得趣。於是觀禮。禮舉義具。經始勿亟。成之不日。猶謂爲之者勞。居之者逸。慕唐虞之茅茨。思夏后之卑室。乃營三宮。布政頒常。複廟重屋。八達九房。規天矩地。授時順鄉。造舟清池。惟水泱泱。左制辟雍。右立靈臺。因進距衰。表賢簡能。馮相觀祲。祈禳禳災。於是孟春元日。羣后旁戾。百僚師師。于斯胥洎。藩國奉聘。要荒來質。具惟帝臣獻琛。執贊當觀。於殿下者。蓋數萬以二爾。乃九賓重臚。人列崇牙。張鏞鼓設郎將。司階虎戟。交鑑龍輅。充庭雲旗。拂霓。夏正三朝。庭燎晳晳。撞洪鐘。伐靈鼓。旁震八鄙。轆轤隱訇。若疾霆轉雷。而激迅風。也是時稱警蹕已。下彫輦於東廂。冠通天佩。玉璽紱皇組要。干將負斧。冕次席紛純。左

右玉几穆穆而南面以聽矣然後百辟乃入可儀辨等尊卑以班璧羔皮帛之贊既奠天子乃以三揖之禮禮之穆穆焉皇皇焉濟濟焉將將焉信天下之壯觀也乃羨公侯卿士登自東除訪萬機詢朝政勤恤民隱而除其害人或不得其所若已納之於隍荷天下之重任匪怠皇以寧靜發京倉散禁財賚皇僚逮輿臺命膳夫以大饗饗餼浹乎家陪春醴惟醇燔炙芬芬君臣歡康具醉薰薰千品萬官已事而踐勤屢省懋乾乾清風協於玄德醇化通於自然憲先靈以齊軌必三思以顧愆招有道於仄陋開敢諫之直言聘丘園之耿潔旅束帛之箋箋上下通情式宴且盤及將祀天郊報地功祈福乎上玄思所以爲虔肅肅之儀盡穆穆之禮殫然後以獻精

誠奉禋祀曰允矣天子者也乃整法服正冕帶珩紩絃綻玉笄綦會火龍黼黻藻綽磬厲結飛雲之祫輶樹翠羽之高蓋建辰旒之太常紛茲悠以容裔六玄虬之弁弁齊騰驤而沛艾龍輶輦轂轔金鍍鏤錫方銓左纛鈞膺玉囊鑾聲噭噭和鈴缺缺重輪貳轄疏轂飛軖羽蓋歲蕤葩璫曲莖順時服而設副咸龍旂而繁纓立戈迤邐農輿輶木屬車九九乘輶並轂輜輶九旂闔戟轡輶髦被繡虎夫戴鷕駙承輶之蒲梢飛流蘇之騷殺總輕武於後陳奏嚴鼓之嘈囁戎士介而揚揮戴金鉢而建黃鉢清道案列天行星陳肅肅習習隱隱韁轔殿未出乎城闕旆已廻乎郊畛盛夏后之致美爰恭敬於

明神爾乃孤竹之管雲和之瑟雷鼓鑼鼓大變既畢冠華秉翟列舞八佾元祀惟稱羣望咸秩颺燭燎之炎燭致高煙乎太一神歆馨而顧德祚靈主以元吉然後宗上帝於明堂推光武以作配辨方位而正則五精帥而來摧尊赤氏之朱光四靈懋而允懷於是春秋改節四時迭代蒸蒸之心感物增思躬追養於廟祧奉蒸嘗與禴祠物牲辯省設其福衡毛魚豚肺亦有和羹滌濯靜嘉禮儀孔明萬舞奕奕鐘鼓喤喤靈祖皇考來顧來饗神具醉止降福穰穰及至農祥晨正土膏脉起乘鑾輶而駕蒼龍介馭間以劍耜躬三推於天臼修帝籍之千畝供禘郊之粢盛必致思乎勤已兆民勸於疆場咸懸力以耘耔春日載陽合射辟雍設業設虞宮懸金鏞鼓

路鼗樹羽幢幢於是備牧物有其容伯夷起而相儀后夔坐而爲工張大侯制五正設三之屏司旌弁夾旣設儲乎廣庭於是皇輿夙駕輦於東階以須消啟明掃軒霞登天光於扶桑天子乃撫玉輶時乘六龍發鯨魚鏗華鐘大丙弭節風后陪乘攝提運衡徐至於射宮禮事展樂物具王夏闕騶虞奏決拾旣次彫弓斯彀達餘萌於暮春昭誠心以速喻進明德而崇業滌饗餐之貪欲仁風衍而外流誼方激而遐邇日月鑾刀以袒割奉觴豆於國叟降至尊以訓恭送迎拜乎三壽敬慎威儀示民不偷我有嘉賓其樂悠悠聲教布濩盈溢天區文德旣昭武節是宣三農之隙耀威中原歲惟仲冬大閱

西園虞人掌焉。先期戒事，悉率百禽鳩諸靈囿獸之所同。是謂告備。乃御小戎，撫輕軒，中畋四牡。旣旣，且閑。戈矛若林牙，旗纊紛迄于上林。結徒爲營，次和樹表。司鐸授鉦，坐作進退。節以軍聲，三令五申。示戮斬牲，陳師鞠旅。教達禁成，火烈具舉。武士星敷，鵝鶴魚麗。箕張翼舒，軌塵掩迹。匪疾匪徐，馭不詭遇。射不翦毛，升獻六禽。時膳四膏，馬足未極。輿徒不勞，成禮三歐。解罘不放，鱗不窮樂。以訓儉不殫物，以昭仁慕天乙之弛罟。因教祝以懷民儀，姬伯之渭陽失熊羆而獲人。澤浸昆蟲，威振八寓。好樂無荒，允文允武。薄狩于敖，旣瑣瑣焉岐陽之蒐。又何足數爾。乃卒歲大饑，歟除羣癘，方相秉鉞。巫覡操劙，眡子萬童。丹首玄製，桃弧棘矢。所發無臬，飛礮雨散。剛憚

必斃。煌火馳而星流，逐赤疫於四裔。然後凌天池，絕飛梁。捎魑魅，斲狂狹。斬蟠蛇，腦方良。囚耕父於清冷，溺女魃於神潢。殘夢艤與罔象，殪野仲而殲游光。八靈爲之震懼，況魅威與畢方。度朔作梗，守以鬱壘。神荼副焉，對探索葦目察區陬。司執遺鬼，京室密清。罔有不隕。於是陰陽交和，庶物時育。卜征考祥，終然允淑。乘輿巡乎岱嶽，勸稼稽於原陸。同衡律而一軌量，齊急舒於寒燠。省幽明以黜陟，乃反旆而廻復。望先帝之舊墟，慨長思而懷古。俟闇風而西邇，致恭祀於高祖。旣春游以發生，啟諸蠻於潛戶。度秋豫以收成，觀豐年之多稌。嘉田畯之匪懈，勤致賚于九扈。左瞰暘谷，右睨玄圃。眇天末以遠期，規萬世而大摹。且歸來以釋勞膺，多福以安悆。總集瑞

命備致嘉祥。圉林氏之騶虞。擾澤馬與騰黃鳴女牀之鸞鳥。
舞丹穴之鳳皇。植華平於春圃。豐朱草於中唐。惠風廣被。澤
洎幽荒。北燮丁令。南諾越裳。西包大秦。東過樂浪。重舌之人。
九譯僉稽首而來。王是故論其遷邑易京。則同規乎殷盤改。
奢卽儉。則合美乎斯干。登封降禪。則齊德乎黃軒。爲無爲事。
無事。永有民以孔安。遵節儉尚素樸。思仲尼之克己。履老子
之常足。將使心不亂。其所在目不見其可。欲賤犀象簡珠玉。
藏金於山。抵璧於谷。翡翠不裂。瑩琨不簇。所貴惟賢。所寶惟
穀。民去末而反本。咸懷忠而抱慤。于斯之時。海內同悅。曰吁。
漢帝之德馨。侯其禕。而蓋蕡莢爲難時也。故曠世而不覲。惟
我后能植之。以至和平。方將數諸朝階。然則道胡不懷化。胡

不柔。聲與風翔。澤從雲遊。萬物我賴。亦又何求。德寓天覆。輝
裂光燭。袞三王之趨。起軼五帝之長。驅踵二皇之遐。武誰謂
駕遲。而不能屬。東京之懿。未罄。值余有犬馬之疾。不能究其
精詳。故粗爲賓言。其梗槩如此。若乃流遁忘返。放心不覺。樂
而無節。後離其戚。一言幾於喪國。我未之學也。且夫挈瓶之
智。守不假器。況纂帝業。而輕天位。瞻仰二祖。厥庸孔肆。常懇
懇。以危懼。若乘奔而無轡。白龍魚服。見困象。且雖萬乘之無
者。駐纊塞耳。車中不內顧。珮以制容。鑾以節塗。行不雙玉。駕
不亂步。却走馬以糞車。何惜縷襄與飛兔。方其用財。取物。常
懼。生類之殄也。賦政任役。常畏人力之盡也。取之以道。用之

以時山無槎枒。畋不麌。胎草木繁蕪。鳥獸阜滋。民忘其勞樂。
輸其財。百姓同於饒衍。上下共其雍熙。洪恩素蓄。民心固結。
執義顧主。夫懷貞節。忿姦慝之干命。怨皇統之見替。玄謀設
而陰行。合二九而成謫。登聖皇於天階。章漢祚之有秩。若此
故王業可樂焉。今公子苟好。勸民以媿樂。忘民怨之爲仇也。
好殫物以窮寵。忽下叛而生憂也。夫水所以載舟。亦所以覆
舟。堅冰作於履霜。尋木起於蘖裁。昧日不顯。後世猶怠。況初
制於甚泰。服者焉能改歲。故相如壯上林之觀。揚雄騁羽獵
之辭。雖系以頽墻填塗。亂以牧童解索。卒無補於風規。祇以
昭其愆尤。臣濟參以陵君。忘經國之長基。故函谷擊柝於東
西。朝廷顛覆。而莫持。凡人心是所學。體安所習。鮑肆不知其

臭。覩其所以先入。咸池不齊。度於蠹咬。而衆聽者惑疑。能不
惑者。其唯子野乎。客既醉於大道。飽於文義。勸德畏戒。喜懼
交爭。罔然若醒。朝疲夕倦。奪氣褫魄。之爲者也。忘其所以爲
談。失其所以爲夸。良久乃言曰。鄙哉予乎。予習非而遂迷也。
幸見指南於吾子。若僕所聞。華而不實。先生之言信而有徵。
鄙夫寡識。而今而後。乃知大漢之德馨。咸在於此。昔常恨三
墳五典既泯。仰不覩炎帝。帝魁之美。得聞先生之餘論。則大
庭氏何以尚茲。走雖不敏。庶斯達矣。

南都賦

張衡

於顯樂都。旣麗且康。陪京之南。居漢之陽。割周楚之豐壤。跨
荆豫。而爲疆體。麥豎以閑敞。紛郁郁其難詳。爾其地勢。則武

闕闕其西。桐栢揭其東。流滄浪而爲隍。廓方城而爲墉。湯谷涌其後。淯水盪其胸。推淮引湍。三方是通。其實利珍恆。則金彩玉璞。隨珠夜光。銅錫鉛錯。赭堊流黃。綠碧紫英。青臘丹粟。太一餘糧。中黃穀玉。松子神陂。赤靈解角。耕父揚光。於清冷之淵。游女弄珠。於漢臯之曲。其山則崑崙嶺嶠。崿崿峩峩。屹嶧幽谷。巒岑夏含霜雪。或岩嶙而纏聯。或豁爾而中絕。翹巍巍其隱天。俯而觀乎雲霓。若夫大封大孤。列仙之陬。上平衍而曠蕩。下蒙籠而崎嶇。坂坂嶽崿。而成嶻嶭。壑錯繆。而盤紝。芝房菌蓋。生其隈。玉膏瀦溢。流其澗。崑崙無以參間。風不能踰。其木則檉松櫟櫟。棖柏扭楓。槭柙櫟櫟。帝女之桑。柂杼柂柂。柂柂柂柂。根竦本垂。條嫋嫋布綠葉之。

萋萋敷華。榮之蕤蕤。玄雲合而重陰。谷風起而增哀。攢立叢駢。青冥盱暝。杳藹蒼鬱。於谷底森森。尊尊而刺天。虎豹黃熊游其下。穀犧猱狔。挺戲其巔。鷺鷥鷁鷀。翔其上。騰猿飛猱。棲其間。其竹則鐘籠簾簾。篠箖箊箊。緣延坻坂。漚漫陸離。阿那翁草。風靡雲披。爾其川瀆。則演灔灔灔灔。發源巖穴。潛虛洞出。漫滑瀼瀼。布濩漫汗。漭沆洋洋。總括趣飲。箭馳風疾。流湍投激。磅礴輒長輪遠逝。漻涒涒滅汨。其水蟲則有螻龜鳴鼈。潛龍伏螭。鱣鱣鯤鯤鯤鯤。黿鼈鮫鯢。巨蚌函珠。駭蛤委蛇。於其陂澤。則有鉗盧玉池。赭陽東陂。貯水渟渟。亘望無涯。其草則有藨苧蘋莞。蔥荔蒹葭。藻茆菱芡。芙蓉含翠。從風發榮。菲披芬葩。其鳥則有鶯鶯鶯鶯。鴻鵠鶯鶯。鶠鵠鶠鶠。鶠鶠鶠鶠。嬰嬰和鳴。澹

淡。蹠。波。其。水。則。開。寶。灑。流。浸。彼。稻。田。溝。澗。脈。連。堤。塍。相。輞。朝
雲。不。興。而。漢。潦。獨。蓀。決。渫。則。曠。爲。瀆。爲。陸。冬。稌。夏。穡。隨時。代
熟。其。原。野。則。有。桑。漆。麻。苧。菽。麥。稷。黍。百。穀。蕃。庶。翼。翼。與。與。若
其。園。圃。則。有。蓼。蕺。蘘。荷。諸。蔗。薑。璠。菥。蓂。半。瓜。乃。有。櫻。梅。山。柿。
侯。桃。梨。栗。樛。棗。若。櫟。穰。橙。鄧。橘。其。香。草。則。有。薜。荔。蕙。若。薇。蕪。
蓀。萇。掩。曖。蓊。蔚。含。芬。吐。芳。若。其。厨。膳。則。有。華。蕷。重。秬。漬。臯。香。
祝。歸。鴈。鳴。鶴。黃。稻。鯉。魚。以。爲。芍。藥。酸。甜。滋。味。百。種。千。名。春。卯。
夏。筍。秋。韭。冬。菁。蘇。穀。紫。薑。拂。徹。羶。腥。酒。則。九。醞。甘。醴。十。旬。兼。
清。醪。敷。徑。寸。浮。蟻。若。萍。其。甘。不。爽。醉。而。不。醒。及。其。糾。宗。綏。族。
禴。祠。蒸。嘗。以。速。遠。朋。嘉。賓。是。將。揖。讓。而。升。宴。于。蘭。堂。珍。羞。琅。
玕。充。溢。圓。方。琢。碉。狎。獵。金。銀。琳。琅。侍。者。鱣。媚。巾。幘。鮮。明。被。服。

雜錯。履。蹠。萃。英。懷。才。齊。敏。受。爵。傳。觴。獻。酬。旣。交。率。禮。無。違。彈。
琴。攝。籥。流。風。徘徊。清。角。發。徵。聽。者。增。哀。客。賦。醉。言。歸。主。稱。露。
未。縣。接。歡。宴。於。日。夜。終。愷。樂。之。令。儀。於。是。暮。春。之。禊。元。巳。之。
辰。方。軌。齊。軫。祓。于。陽。瀕。朱。帷。連。網。曜。野。映。雲。男。女。妓。服。駱。驛。
續。紺。致。飾。程。盡。僂。紹。便。娟。微。眺。流。睇。蛾。眉。連。卷。於。是。齊。僮。唱。
今。列。趙。女。坐。南。歌。今。起。鄭。舞。白。鶴。飛。今。繭。曳。緒。脩。袖。繚。繞。而。
滿。庭。羅。襪。躡。蹀。而。容。與。翩。緣。緣。其。若。絕。弦。將。墜。而。復。舉。翹。透。
遷。延。蹠。躡。躡。結。九。秋。之。增。傷。怨。西。荆。之。折。盤。彈。箏。吹。笙。更。
爲。新。聲。寡。婦。悲。吟。鴟。雞。哀。鳴。坐。者。悽。歎。蕩。蒐。傷。情。久。是。羣。士。
放。逐。馳。乎。沙。場。驟。驥。齊。鏃。黃。間。機。張。足。逸。驚。跔。鏃。折。毫。芒。俯。
貫。鯈。鯉。仰。落。雙。鷁。魚。不。及。竄。鳥。不。暇。翔。爾。乃。撫。輕。舟。今。浮。清。

池亂。丸渚兮揭南涯。汰瀆濱兮船容裔。陽侯澆兮掩鳬鷺。追水豹兮鞭螭蟠。憚夔龍兮怖蛟螭。於是日將逮昏樂者未荒。收歡命駕分背廻塘。車雷震而風厲馬鹿超而龍驤。夕暮言歸其樂難忘。斯乃游觀之好耳目之娛未覩其美者焉足稱舉。夫南陽者真所謂漢之舊都也。遠世則劉后甘厥龍醢。視魯縣而來遷奉先帝而追孝。立唐祀於堯山固靈根於夏葉。終三代而始蕃非純德之宏圖孰能揆而處旗近則考侯思政。垂居匪寧穢長沙之無樂歷江湖而北征曜朱光於白水。會九世而飛榮察茲邦之神偉啟天心而籍靈於是宮室則有園廬舊宅隆崇崔嵬御房穆以華麗連閣煥其相微聖皇之所逍遙靈祇之所保綏章陵鬱以青葱清廟肅以微微皇

祖歆而降福彌萬祀而無哀帝王臧其擅美詠南音以顧懷且其君子弘懿明敞允恭溫良容止可則出言有章進退屈申與時抑揚方今天地之眸刺帝亂其政豺虎肆虐真人革命之秋也爾其則有謀臣武將皆能攖戾執猛破堅摧剛排捷陷局蹙蹈咸陽高祖階其塗光武攬其英是以關門反距漢德久長及其去危乘安視人用遷周召之儔據鼎足焉以庄王職摶紳之倫經綸訓典敷納以言是以朝無闕政風烈昭宣也於是乎覲齒眉壽鮑背之叟皤皤然被黃髮者喟然相與歌曰望翠華兮歲蕤建太常兮徘徊駟飛龍兮騤騤振和鑾兮京師總萬乘兮徘徊按平路兮來歸豈不思天子南巡之辭者哉遂作頌曰皇祖止焉光武起焉據彼河洛統四

海焉。本枝百世。位天子焉。永世克孝。懷桑梓焉。真人南巡。覩舊里焉。

三都賦序

左思

蓋詩有六義焉。其二曰賦。楊雄曰。詩人之賦麗以則。班固曰。賦者古詩之流也。先王採焉以觀土風。見綠竹猗猗。則知衛地淇澳之產。見在其版屋。則知秦野西戎之宅。故能居然而辨八方。然相如賦上林而引盧橘夏熟。楊雄賦甘泉而陳玉樹青葱。班固賦西都而歎以出比目。張衡賦西京而述以游海。若假稱珍恠。以爲潤色。若斯之類。匪啻於茲考之果木。則生非其壤。校之神物。則出非其所。於辭則易爲藻飾。於義則虛而無徵。且夫玉卮無當。雖寶非用。侈言無驗。雖麗非經。而

論者莫不詆許。其研精作者。大氐舉爲憲章。積習生常。有自來矣。予旣思摹二京而賦三都。其山川城邑。則稽之地圖。鳥獸草木。則驗之方志。風謡歌舞。各附其俗。魁梧長者。莫非其舊。何則。發言爲詩者。詠其所志也。升高能賦者。頌其所見也。美物者。貴依其本。讚事者。宜本其實。匪本匪實。覽者奚信。且夫任土作貢。虞書所著。辨物居方。周易所慎。聊舉其一隅。攝其體統。歸諸詁訓焉。

蜀都賦

有西蜀公子者。言於東吳王孫曰。蓋聞天以日月爲綱。地以四海爲紀。九土星分。萬國錯峙。崤函有帝王之宅。河洛爲王者之里。吾子豈亦曾聞蜀都之事歟。請爲左右揚搃而陳之。

夫蜀都者蓋兆基於上世。開國於中古。廓靈關而爲門。包玉壘而爲宇。帶二江之雙流。抗峨眉之重阻。水陸所湊。兼六合而交會焉。豐蔚所盛。茂八區而菴藪焉。於前則跨蹠。健羣枕。倚交趾。經途所亘。五千餘里。山阜相屬。含谿懷谷。岡巒糾紛。觸石吐雲。鬱蒼蒼以翠微。嵒巍巍以峨峨。干青霄而秀出。舒丹氣以爲霞。龍池渴瀑。潰其隈。漏江伏流。潰其阿。汨若湯谷之揚濤。沛若濛汜之涌波。於是乎邛竹緣嶺。菌桂臨崖。旁挺龍目。側生荔枝。布綠葉之萋萋。結朱實之離離。迎隆冬而不凋。常驛驛而猗猗。孔翠羣翔。犀象競馳。白雉朝雊。猩猩夜啼。金馬騁光。而絕景碧雞。倏忽而曜儀。火井沈燄。於幽泉。高燭飛燭。於天垂。其間則有虎珀丹青。江珠瑕英。金沙銀礫。符采。

彪炳暉麗。灼爍於後。則却背萃容。北指崑崙。緣以劒閣。阻以石門。流漢湯湯。驚浪雷奔。望之天迴。卽之雲昏。水物殊品。鱗介異族。或藏蛟螭。或隱碧玉。嘉魚出於丙穴。良木攢於褒谷。其樹則有木蘭侵桂。杞櫟倚桐。櫻枮楔櫓。梗柂幽藪。於峻岐。陽烏廻翼。乎高標。巢居棲翔。聿兼鄧林。穴宅奇獸。窠宿異禽。熊羆咆其陽。鶻鷔鳩其陰。猿狹騰希。而競捷。虎豹長嘯。而永吟。於東則左絲巴。中百濮所充。外負銅梁。於宕渠內函。要害於膏腴。其中則有巴菽巴戟。靈壽桃枝。樊以蘚圃。濱以鹽池。蠍蛻山棲。龜鵠水處。潛龍蟠於沮澤。應鳴鼓而興雨。丹沙赤熾。出其坂。蜜房郁毓。被其阜。山圖采而得道。赤斧服。

而不朽。若乃剛悍生其方。風謠尚其武。奮之則賓旅翫之。則渝舞。銳氣剽於中葉。躋容世於樂府。於西則右挾岷山。涌瀆發川。陪以白狼。夷歌成章。坰野草昧。林麓黝霍。交讓所植。蹲鴟所伏。百藥灌叢。寒卉冬馥。異類衆夥。于何不育。其中則有青珠黃環。碧砮芒消。或豐綠荑。或蕃丹椒。蘡蕪布灌於中阿。風連蕘蔓於蘭臯。紅葩紫飾。柯葉漸苟。敷榮葳蕤。落英飄颻。神農是嘗。盧附是料。芳追氣邪。味蠲癘清。其封域之內。則有原隰墳衍。通望彌博。演以潛沫。浸以滌洛。溝洫脈散。疆里綺錯。黍稷油油。稊稻莫莫。指渠口以爲雲門。灑滌池而爲陸澤。雖畢星之滂沱。尚未齊其膏液。爾乃邑居隱賑。夾江傍山。棟宇相望。桑梓接連。家有鹽泉之井。戶有橘柚之園。其園則有

林檎枇杷。橙柿椑桲。橈桃函列。梅李羅生。百果甲宅。異色同榮。朱櫻春熟。素柰夏成。若乃大火流涼。風厲白露。凝微霜結。紫梨津潤。樞栗罅發。蒲桃亂潰。石榴競裂。甘至自零。芬芳酷烈。其圃則有蒟蒻茱萸。瓜疇芋區。甘蔗辛薑。陽蔭陰敷。日往非薇。月來扶疎。任土所麗。衆獻而儲。其沃瀛則有攢蔣叢蒲。綠菱紅蓮。雜以蕪藻。糅以蘋蘩。總莖柅柅。裏葉蓁蓁。貢實時味。王公羞焉。其中則有鴻鵠鵠鶴。侶鷺鷺鵠。晨鳬旦至。候鴈衝蘆。木落南翔。冰泮北徂。雲飛水宿。哢吭清渠。共激則有白鶲命鰐。玄嶺土祭。鱣鮒鱈鮀。鯀鰐鯉鯔。差鱗次色。錦質報章。躍濤戲瀨。中流相忘。於是乎金城石郭。兼而市中區。旣麗且崇。實號成都。闢一九之通門。畫方軌之廣塗。營新宮於爽垲。擬

承明而起廬。結陽城之延閣。飛觀榭乎雲中。開高軒以臨山。列綺窓而瞰江內。則議殿爵堂。武義虎威。宣化之闡。崇禮之闡。華闕雙邈。重門洞開。金鋪交映。玉題相暉。外則軌躅八達。里閭對出。比屋連甍。千廡萬室。亦有甲第。當衢向術。壇宇顯敞。高門納駟。庭扣鐘磬。堂撫琴瑟。匪葛匪姜。疇能是恤。亞以少城。接乎其西。市廓所會。萬商之淵。列隧百重。羅肆巨千。賄貨山積。纖麗星繁。都人士女。袴服靚粧。賈貿帶鬻。舛錯縱橫。異物詭譎。奇於八方。布有橦華。麵有桄榔。邛杖傳節。於大夏之邑。蒟醬流味。於番禺之鄉。輿輦雜沓。冠帶混并。累穀疊子。跡叛行相傾。誼譁鼎沸。則咙舌宇宙。囂塵張天。則埃燭曜靈。闔闔之裏。伎巧之家。百室離房。機杼相和。貝錦斐成。濯色江波。

黃潤比簡。簋金所過。侈侈隆富。卓鄭埒名。公擅山川。貨殖私庭。藏鏹巨萬。瓠規兼呈。亦以財雄。翕習邊城。三蜀之豪。時來時往。養交都邑。結儔附黨。劇談戲論。扼腕抵掌。出則連騎。歸從百兩。若其舊俗。終冬始春。吉日良辰。置酒高堂。以御嘉賓。金罍中坐。肴核四陳。觴以清醪。鮮以紫鱗。羽爵執競。絲竹乃發。巴姬彈絃。漢女擊節。起西音於促柱。歌江上之飄厲。紆長袖而屢舞。翩躚以裔裔。合樽促席。引滿相罰。樂飲今夕。醉累月。若夫王孫之屬。郤公之倫。從禽於外。巷無居人。竝乘驥子。俱服魚文。玄黃異技。結駟續紛。西蹤金隄。東越玉津。朔別晦。期匪日匪旬。楚蹈蒙籠。涉躅寥廓。鷹犬倏伸。尉羅絡幕。毛羣陸離。羽族紛泊。翕響揮霍。中網林薄。屠麋翦旄。塵帶

文姬跨彫虎。志未騁。時欲晚。追輕翼。赴絕遠。出彭門之闕。馳九折之坂。經三峽之崢嶸。躡五嶺之蹇澗。載食鐵之獸。射噬毒之鹿。晶獵泯於夔草。彈言鳥於森木。拔象齒。戾犀角。鳥鎧翻。獸廢足。始而竭來。相與第。如滇池。集乎江洲。試水客。犧輕舟。娉江斐。與神游。翫翡翠。釣鯰鮋。下高鵠。出潛虯。吹洞簫。發櫂謳。感鱣魚。動陽侯。騰波沸涌。珠貝沈浮。若雲漢含星而光耀。洪流將饗。獠者張壺幕。會平原酌。清酤割芳。鮮飲御酣。賓旅旋車馬。雷駭轟轟。闐闐若風流雨散。漫乎數百里之間。斯蓋宅七之所安樂。觀聽之所踊躍也。焉獨三川爲世朝市。若乃卓犖奇譎。倜儻因已。一經神恠。一緯人理。遠則岷山之精上。爲井絡。天帝運期。而會昌景福。躬纏而興作。碧出萇弘之

血。烏生杜宇之鬼。妄變化而非常。嗟見偉於疇昔。近則江漢炳靈。世載其英蔚。若相如。若若君平。王襄。蹕蹕而秀發。楊雄含章而挺生。幽思絢道德。摛藻掞天庭。考四海而爲雋。當中葉而擅名。是故游談者以爲譽。造作者以爲程也。至乎臨谷爲塞。因山爲障。峻阻塍埒。長城豁險。忝若巨防。一人守隘。萬夫莫向。公孫躍馬。而稱帝。劉宗下輦。而自王。由此言之。天下孰尚。故雖兼諸夏之富有。猶未若茲都之無量也。

